

آبونه شرائطی : هریر
ایچون سنه لکی (۲۷۵)
آلی آیلغی (۱۵۰)

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ نسخه در .

اداره خانه : باب عالی جاده سنده
رشید افندی خاندن

اخطارات
آبونه بدلی پشیندر .

مسدکه موافق آثار مع الممنونیه
قبول اولنور . درج ایدله یین
یازیلر اعاده اولنماز .

کتابخانه

سر ۱۳۳۰

صاحب و مدیر
اشرف ادیب

باش محرز
محمد عاکف

والله یهدی من یشاء الی صراط مستقیم

اتبعون اهدکم سبیل ارشاد

نه یوکسک بر درایت ۱

آسیاده بزدن آریلان طوپر قلمر مسئله سی مناقشه ایدیلیرکن - بن
 بك ، (یمن) ولایتی ده ایشه قاریشیدیرمش و اهالیسی طرفدن آنا
 وطنه مربوط قالمق خصوصنده کی معلوم مراجعتله رغماً ، بو خطه نك ده
 حکومت مزجه تورکیادن تمامیه منفك عداولوندیغنی تضمن ایدن سوزلر
 سویله مشدر . حالبوکه یمنك بزدن انفکاک کی کچن قونفرانسهده هیچ
 موضوع بحث اولماش ، بونی انکلیزلریله موضوع بحث اتمه مشلردی .
 بزم فکریمزجه بزه بو مسئله یی مسکوت کچمیلیر ، (یمن) نك بزه
 قالماسنی صراحة طلب اتمه سكه بيله ، بزدن فك ایدله سنی ادعا
 ایدلرده بولونمادیغنه نظراً ، آرتق بزم عائد اولمادیغنی اقراره لزوم
 یوقدی . ایشه ۵۲ دن ۵۵ نجی به قدر اولان مسائلک مذاکره سنده
 یالکیز بوجهت بزم نظردقمیزی جلب ایتمشدر ، که بوبابده بزه کندی
 حسابمزه برقید احترازی درمیان اتمه دن کچمکی موافق کو مه دک .
 (یمن) مسئله سنی و بو خطه نك کیمه عائد اولاجغنی شیمدی به قدر
 انکلیزلر و فرانسلر بيله بودفعه موضوع بحث اتمه مشکن ، بزم هیئت
 مرخصه مزك طامدن دوشرکی بوبخنی اورتیه آتاسنه نه عقلمز ایردی ،
 نه ده حوصله مز قبول ایتدی .

هیئت مرخصه مزك هر دلرو حقوقی مدافعه ده کوستردکاری
 عزم وجلادتی و اقتدار و مزینی چوق تقدیر ایتمکه برابر ، طوروب
 طورورکن (یمن) نك بزدن آری اولدیغنی سویله مه لری کندی حسابمزه
 هیچ ده موافق کورمه دک ، اساساً هیئت وکیله رئیس رؤف بك ،
 کچلرده بر نقطه یمنك اجزای مالکمز دن اولدیغنی سویله مشدی .
 حسن بک عکسفی سویله مه سنده کی حکمتی آکلایامادق .
 « توحید افکار »

دارالفنونک و مدرسه لک اصلاحی حقنده

بو هفته کی آقسام غزته لرندن بری « تحصیل و تربیه نك عمومیتله
 قنوابستائی اولدیغنی ، بالخاصه استانبولده کی دارالفنونک بر قاج سنده نبری
 مادی و معنوی انحطاطده بولوندیغنی ، یازیور . عمومیت اعتباریه تحصیل
 و تربیه نك فنا وابتدائی اولدیغنی ، معارفک هنوز بر استقامت سالمه
 طوته مادیغنی آناطولیده دخی کزدیکمز هر یرده کوردک و بونک اسباب
 و عواملی ممکن مرتبه ایضاحه جالیشدق . یالکیز اوچ سنده نبری
 بوراده بولنه مادیغمز جهتله استانبول دارالفنونک صوک زمانلرده کی
 انحطاطی حقنده کافی معلوماته مالک بولونمایورز . نه هیئت اداره ، نه ده
 هیئت تدریسیه طرفدن غزته نك بو ملاحظه سنی حقنده بر اعتراضده
 بولونمادیغنی جهتله انحطاطک بر امرواق اولدیغنی قبول ایتک لام کلیر .

مع مافیه بز آنقرده ایکن ده دارالفنونک اصلاحی لزومی حقنده بعض
 سوزلر ایشیدییوردق . دین و وطن خائنی علی کمالک دارالفنونی مادی ،
 معنوی تخریب ایدجک اجرا آتده بولونمسی ؛ بعض مقتدر مدرسلری
 چیقارتمسی ، طلبیه قارشى خصمانه برطور طاقینمسی ، انا نه مخصوص
 قسمی قالدیرمق قیزلری ارککلرله بر آردهده بولوندورمغه مجبور
 طونمسی هرکس کی مجلس ملی اعضای محترمه سنی ده متأثر ایدیوردی .
 بالخاصه ملتک حیات اجتماعیه سنه قارشى برضربه ماهیتده اولان بومشترک
 تحصیل یوزندن حصوله کلن انفعال بك شدتلی ایدی . اجنبی قوتلره
 استناد ایدن علی کمالک بو تخریبات و ضربه سنه او زمان دارالفنون
 هیئت اداره سئک مقاومت کوستر . مه منسی آنقرده بعض ذوات معذور
 کوردکاری حالده بعضلری ده کورمه مک ایسته یورلردی . کورولبورکه
 علی کمالک او زمان دارالفنونک کرک مادیات ، کرک معنویاتنده ایقاع
 ایتدیکی تخریبات ، مع التأسف بك آرزمان طرفنده بومؤسسه عالیه نك
 انحطاطنه بادی اولمش بولونیور . دارالفنون ملتک اک مهم بر رکن
 حیاتیدر . آقسام غزته سئک یازدیغنی وجهله بونی دوشمش اولدیغنی
 انحطاطدن بر آن اول قورتارمق اولیای امورک اک متحتم وظیفه سیدر .

**

نه غنی غزته مدرسه لک توحیدیه معظم بر دارالفنون وجوده
 کتیرمک لزومندن بحث ایدیور . حقیقه بوده حل ایدیلسی لازمکن
 مسائلدن بری در . هر طرفده مدرسه لک داغنیق بر حالده بولونمسی
 حقیقه استفاده یه مانع بولونیور . شرعیه وکالتی تدریسات مدیریت
 عمومیه سئک بو جهتی نظر دفته آله رق توحید مدارس تشبثاتنده
 بولونمش اولدیغنی آنقرده ایکن خبر آلمشدق . مدیریت مشارالیه نك
 نقطه نظرینه کوره هر شهر و قصبه ده کی موجود مدارس اوقافنک
 برلشیدیرلرک ، ینه غنی شهر و قصبه ده ، بلغاً ماباغ احتیاجی تأمین
 ایده جک بویوک بر مدرسه انشسا و تأسیس ایتک و بوتون طلبه علمی
 او مدرسه یه طولایماق بك فائده لی تلقی اولونیور . تدریسات مدیر عمومیه سی
 فاضل محترم اقسه کیلی احمد خدی افندی اونه دن بری بو مسئله ایله
 اشتغال ایتمکده در .

بوندن باشقه بری استانبولده ، بری اورتیه آناطولیده ، بری ده
 ولایات شرقیه ده اولق اوزره اوچ بویوک کلیه اسلامییه نك تأسیسی
 دوشونولمکده در . حق وانده (مدرسه الزهرا) نامیه معظم بر مدرسه نك
 انشاسی ایچون یوز یکریمی بیك لیوانک تخصیصی حقنده یوز التمش
 کسور امضالی برتقریر مجلس ملی ریاسته تقدیم اولونمشدی . مجلسک
 تعطیلی مناسبیه بوتقریرک مذاکره سی تأخر ایتمشدر .

کرک دیگر مدارسک ، کرک بو کلیه اسلامییه لک پروگراملری
 احضار ایتک اوزره آنقرده شرعیه وکالتنده اون بش قدر افاضل